




列聖御製十二

兩朝別編

廿五

16
2312
34



門牌 10
號 2312
卷 40-34



列聖御製別編目錄



卷之五

純宗大王

詩

北苑望拜

文

奉室行禮後諸祠壇致祭 皇朝人忠良子

孫儒武試取教

擬朝鮮國王謝賜彩緞白金紋錦西洋布以

表平女真之功表

擬朝鮮國王賀 聖節冬至表


列聖御製別編卷之五

純宗大王

詩

北苑望拜

天啓聖圖眷 大明賴 皇威德小邦平敬遵故
事 皇壇拜忽覺匪風感慕生



純宗大王

文

奉室行禮後諸祠壇致祭 皇朝人忠良子

孫儒武試取教

甲申

涖灘之舊甲又回風泉之永感載新明日 奉室
行禮之後豈可無追述志感之舉乎宣武祠忠烈
祠顯節祠依 英廟甲申年例致祭義州諸義士
壇及泉漳人壇香祝下送並自本道定祭官一體
致侑 皇朝人及忠良子孫儒武明日班罷後弘
文提學及兵判率詣春塘臺依例試取事分付

純宗

擬朝鮮國王謝賜彩緞白金紋錦西洋布以表平女真之功表

朝鮮國王臣某言 成化十五年閏十月某日 天使齎捧 天詔欽賜物某件到國詔諭云云臣 欽此欽遵祇領外與一國臣民不勝感激謹奉表 稱謝者臣某誠惶誠恐頓首頓首伏以錦緞 賜既感天地之恩 詔諭來臨若忝耿光之盛不 勞軍力偏蒙鴻私伏念臣世守箕邦恪修東職五 王三帛之獻庶幾竭盡徽衷九章八音之頌猗歟 曲被殊渥惟彼女真之平勦實賴 皇朝之威明

惟茲小將之師還實違失三軍之法乃蒙大國之 征命抑警動萬人之 缺時正十月之節令有此千 軍之師發旌旗蔽日小醜之賊何憂戈戟如霜大 軍之氣尤倍爰念庚癸之患平定之意方深復體 乙丙之思奮勇之心益動不意 天褒之榮重也 至有 皇使之降臨焉發內帑之寶華迥出於夢 寐之外稀他國之殊遇難忘於寢息之間含恩而 歌一國之民心欣忭帶榮而頌八域之羣情踴歡 顧東土一時之勞何足是恤貽北闕屢日之慮在 心何安茲蓋伏遇 皇帝陛下德化萬邦先被四

表日月德而益照咸仰如天之覆長河海量而更深皆服如地之載育至推洪德及布徽邦臣敢不感戴 皇恩虔勤侯度眷遇不已既蒙愛小國之功守藩牧茲庶殫事 天朝之禮臣無任望天仰聖激切屏營之至謹奉表稱謝以聞 成化十五年閏十月日朝鮮國王臣某謹上表

擬朝鮮國王賀 聖節冬至表

朝鮮國王臣姓諱欽遇 成化元年某月某日萬壽聖節謹奉表稱賀者臣諱誠歡誠忭稽首稽首上言伏以大哉乾元時乘六龍之上丕哉聖德

必居五福之先恭惟 皇帝陛下道德承天光輝滿地金甌其耀日惟至於三三疑陽之回王燭其明歲將逢於 萬壽之節臣幸逢慶與欣祝忭歡伏願大春八千之秋重期睿筭弱水三萬之里更當殊庭臣無任瞻天仰聖激切屏營之至謹奉表稱賀以聞 成化元年某月某日朝鮮國王臣姓諱謹上表

列聖御製別編卷之五

列聖御製別編目錄

卷之六

翼宗大王

詩

題缺

小酉齋齋居感賦

燒香齋坐讀左氏春秋

皇壇攝行祭日望 位禮時口占二首

皇壇三章

於穆一章

於皇一章

於赫一章

桓桓一章

盛功一章

烈義一章

齋室口占

清風閣

北苑望拜禮齋居日和陸詩韻賦五絕三首

北欄倚斗

秋日山齋聽雨感賦一絕

聯句

齋夜有感聯句

大酉齋齋居日與宮僚聯句

皇壇大享齋宿日同陪從諸臣聯句

文

皇壇攝行祭記

壇享祝式收議令旨

政院請持平睦台錫處分達批

玉堂請睦台錫拿鞫聯劄批

列聖御製別編卷之六
翼宗大王

詩

題缺

何知君德萬方醞非為一人天下供四海羞稱漠
南路五雲長護鍾山峯唐虞文物過千載華夏風
塵去六龍日月雙懸懷舊渥中原何處問朝宗

小百齋齋居感賦

匪風思 古帝何處是中原內苑 三壇屹千秋
感舊恩

燒香齋坐讀左氏春秋

三春禁苑晚細雨聽長廊雲吐千峯影梅含萬國
香花粧仙徑外鶴舞古壇傍鳥止數林藪魚游潑
石塘南京思舊邑中土望西方義祭一間屋共尊
四海鄉春秋讀短燭王帛奉玄筐江漢荷 恩重
匪風懷 古皇

皇壇攝行祭日望 位禮時口占二首

天朝過百載儀物何蒼涼望彼梧雲色中原思周
王

不顯我 古皇赫赫厥靈明未了匪風歌愾寤歎

周京

皇壇三章

不顯 后德儀刑萬方戎衣一統其命益彰

右 太祖高皇帝

於皇我 后再造吾東 恩深世世萬折朝宗

右 神宗顯皇帝

於赫 毅廟炳義 殉社喬山劒舄遺我天下

右 毅宗烈皇帝

於穆一章

於穆 高廟英文義武天厭元德命我 真主

王赫斯怒戎衣定土一統華夷永清寰宇錫號辨
讒恩深萬古視同內服化洽字撫於乎其德頌
于鐘鼓享于三壇春秋秉魯

右 太祖高皇帝

於皇一章

於皇 神廟配天合德守成大業赫赫衮職衣裳
王帛徹我中域至化作孚羣黎是則萬世 洪恩
再造東國江漢朝宗衆星拱北掃地藉茅至敬無
極懷深匪風瞻彼雲色

右 神宗顯皇帝

於赫一章

於赫 毅廟文昭武揚化洽四海教闡三綱大哉
王政令德益彰烈義 殉社千古有光望美人兮
在彼西方築壇尊周王帛玄筐籩豆秩秩磬筦將
將風泉有感享于吾 皇

右 毅宗烈皇帝

桓桓一章

桓桓武寧開國元臣剛毅忠正萬古完人
右中山武寧王徐達

盛功一章

盛功難忘恩感吾東從享 三壇神明可通

右寧遠伯李如松

烈義一章

烈義貞節赫乎殉 帝名著青史傳之萬世

右太學士范景文

齋室口占

松柏蒼寒護北苑 三壇屹屹與雲高 皇恩萬

世吾家在江漢朝宗頌蟒袍

清風閣

八韻古詩

昨罷北苑禮今上清風閣有亭臨仙溪踈烟籠翠

箔晴旭騰絕崖花柳展錦幕松柏四時春志操誰
能度水清數躍魚雲歸夢化鶴山川猶依舊中原
沉腥壑百世感大節高風凜京洛古家忠孝傳春
秋尊周作

北苑望拜禮齋居日和陸詩韻賦五絕三首

明服肅齋坐燒香小齋中有意瞻北斗美人懷西
風

清夜小齋靜秋月映石渠懷切風泉感宜讀左氏
書

中原何處是南京古紫陌萬世吾 皇恩只瞻

定陵柏

北欄倚斗

山樓靈壝近斗柄上垂垂森列羣星拱昭回七點
移有時瞻帝座無處望京師每夜風泉感空吟老
杜詩

秋日山齋聽雨感賦一絕

小齋新樣好兼近吾皇壇秋雨簾外冷望羨獨
倚欄

聯句

齋夜有感聯句

隔日三壇享持齋坐夜牀心香升一瓣庶幾

夢吾皇

入對春坊李憲兢金銘賡進

大酉齋齋居日與宮僚聯句

宮苑齋居日君臣共一堂匪風歌未了中國望
西陽

入對諸臣朴岐壽徐熹淳安光直李嘉愚
徐左輔李憲兢朴容壽金銘金英淳李景
在賡進

皇壇大享齋宿日同陪從諸臣聯句

王壇花木寄王春苑裏禽聲叫羨人

入對諸臣金銘徐俊輔朴晦壽金蘭淳鄭
知容徐英淳徐萬淳金正喜金興根金教
喜安光直金鼎集金洛龍趙基謙李正者
金弘根成遂默李穆淵李肯愚金大根李
福信徐念淳賡進

翼宗大王

文

皇壇攝行祭記 丙戌

嗚呼 大明吾上國也侯邦之事上國若子孫之
仰父母也猗我 列聖朝事大之誠幾百年如一
日而粵自 太祖高皇帝洪武二十五年壬申肇
錫朝鮮之號視同內服字撫仁德洽于海外環東
土數千里之愚夫愚婦無不知 皇上造化中生
長矣世世守藩榮祿無極而 萬曆二十年倭奴
寇我境 穆陵播遷龍灣八路魚肉國勢岌岌危

亡之急迫在朝夕惟我 神廟命李提督如松等
援救將傾之國其再造之 恩果何如也惟東國
宗社生靈非 定陵其何能保有今日哉至恩至
德銘刻心骨而天運已盡 明曆將訖 毅廟涖
灘之事尚何忍言逮我 肅廟起百載尊周之感
寓一間祭昭之義乃於甲申始享 毅皇于北苑
至于 英考築三壇享 三皇舞以六佾舞六佾
即祭以士之禮也命 皇朝人子孫王氏名以漢
旅作為 皇壇守直之官 上之二十六年暮春
之六日 命余攝行 壇享惶恐承 命奉香齋

居其日天陰雨霏匪風飄飄具冕服行望 位禮
拜訖瞻望 皇壇黃帳重複 神座尊嚴如承
勅旨拱手趨至奉審 神榻風泉之懷一倍懇切
余心中自戒曰爾承 君父之命攝行 三皇之
前若覩 威顏若聆 王音追思 皇恩之深洽
繼述 列聖之至誠盡禮盡敬報答 聖上念周
京重祀典之意者是子職也奉審訖詣 敬奉閣
閣中奉安 太祖皇帝御筆龍字若鱗甲之生動
宛風雲之飛騰非神武不能書也又奉 宣廟御
畫燦然精彩亦極神妙至若繡馬牌 御筆板亦

皇朝之舊物也時至詣省牲位省牲贊儀使余之
伯舅也進幣瓚爵官沈侍郎能岳奠幣瓚爵官金
學士銘大祝李學士嘉愚趙學士冀永南學士履
懋薦俎官金侍郎鑣也禮訖詣典祀廳省鼎鑊視
滌漑監取明水火後還齋次日巳午矣召見妹郎
東寧尉未時接入直春坊學士安光直金銘酉初
接入直學士安光直朴容壽金學士銘金學士英
淳乃罷少假寐于牀一太監告起寢乃三更三點
也爭盥漱明巾服而坐太監報時至乃出濟濟駿
奔上下鳴珮登軒兩架鐘鼓迭奏琴瑟踰越燈燭

煒煌籩豆秩秩陞陞灌蒞地後降又陞陞初獻讀
祝俯伏榻前而至於 神廟前祝中義尊一統
恩深再造之句 毅廟前祝中渥灘 殉社之句
幾乎涕淚迸瀉畢亞終獻又陞飲福位俯伏仍又
自思余畫區區微誠豈或通神明耶思之到此不
覺愀然禮畢望燎後趨出門瞻望 壇上若離
耿光戀結之忱益覺深深住步彷徨行不能去也
詣齋所釋服而還漏已盡村雞喔喔入謁 兩殿
復 命後退休私次老璫輩賀攝享無關禮云時
六日曉也

壇享祝式收議令旨 庚寅

壇享祝文中上旬日子之用初字非大統曆法令禮曹收議于大臣儒臣及館閣堂上當刪與否指定以入

政院請持平睦台錫處分達批 丁亥

睦台錫之書何為而發也春秋之義炳若日星為我東臣子者凡屬 皇明三皇帝事實不敢為不敬之語則今此引喻萬萬驚心萬萬憤惋其他句語之挾雜有不暇道持平睦台錫為先施以屏裔之典

玉堂請睦台錫拿鞫聯劄批

覽劄具悉惟我 皇朝乃父母之上國而 思陵之 殉社千古炳然也自我 列聖朝感再造之恩而興風泉之思至于今君臣上下於乎不忘之義而噫彼台錫亦東土含生之倫而抑何心肚肆然說道筆之章奏誣逼莫嚴乎今日朝廷若有一分義理豈有如許變恠之事乎誠甚驚痛屏裔罪人睦台錫加施島配之典

列聖御製別編卷之六

奉

教校正

大匡輔國崇祿大夫領中樞府事致仕奉 朝賀原任 奎章閣提學臣南公轍
 大匡輔國崇祿大夫議政府右議政兼領 經筵事監春秋館事原任 奎章閣提學臣沈象奎
 大匡輔國崇祿大夫議政府左議政兼領 經筵事監春秋館事原任 奎章閣提學臣洪頊周
 大匡輔國崇祿大夫議政府右議政兼領 經筵事監春秋館事原任 奎章閣提學臣朴宗薰
 崇政大夫行禮曹判書兼判義禁府事知 經筵春秋館 實錄事監均館事藝館提學臣徐俊輔
 正憲大夫議府參贊兼知 經筵春秋館 實錄事監均館事藝館提學臣趙寅永
 資憲大夫水原府留守兼摠理使知 實錄事 奎章閣提學臣徐有渠
 資憲大夫吏曹判書兼知 經筵 實錄事藝文館提學原任 奎章閣直閣臣李光文

資憲大夫兵曹判書兼知 經筵春秋館 實錄事同知成均館事弘文館提學原任 奎章閣提學 臣 鄭元容
 資憲大夫行司憲府大司憲兼知 經筵春秋館 實錄事同知成均館事 奎章閣檢校直提學 臣 徐憲淳
 嘉善大夫吏曹參判兼同知 經筵春秋館 實錄事原任 奎章閣待教 臣 李憲璋
 嘉善大夫行弘文館副提學兼 經筵參贊官同知春秋館 實錄事 奎章閣直提學知製教 臣 朴永元
 嘉善大夫行監都事兼 經筵參贊官兼 藝文館直提學 實錄事原任 奎章閣直閣 臣 李嘉愚
 通政大夫成均館大司成原任 奎章閣待教知製 教 臣 金正喜
 通政大夫司諫院大司諫原任 奎章閣直閣知製 教 臣 李景在
 通政大夫吏曹參議 奎章閣檢校待教知製 教 臣 趙斗淳
 通政大夫承政院左副承旨兼 經筵參贊官春秋館修撰官原任 奎章閣直閣知製 教 臣 吳取善
 通政大夫承政院副承旨兼 經筵參贊官春秋館修撰官 奎章閣檢校待教知製 教 臣 金學性

通訓大夫行監都事兼 經筵檢討官春秋館記簿 實錄事 奎章閣檢校 奎章閣直閣 奎章閣直閣 臣 李公翼
 務功郎弘文館正字兼 經筵典經春秋館記事官 奎章閣待教校書館正字知製 教 臣 金洙根
 奉

教監印

宣略將軍行龍驤衛副司果 奎章閣兼檢書官 臣 柳本藝
 宣略將軍行龍驤衛副司果 奎章閣兼檢書官 臣 元有永
 通訓大夫行濟用監判官 奎章閣檢書官 臣 朴宗永
 通訓大夫行通禮院引儀 奎章閣檢書官 臣 安季良
 効力副尉龍驤衛副司勇 奎章閣檢書官 臣 金鳳叙
 効力副尉龍驤衛副司勇 奎章閣檢書官 臣 金箕淳

